



# 46 morso later mal aki: Parti Lepep/US in tro abize

**T**ou Seselwa i konnen ki gouvrenman SPPF/Lepep/US in abiz pouvwar pour bokou lannen e vyol drwa imen sa pep. Bann viktim ti napa okenn sans reklanm lazistis pour bokou lannen. Sa ti komans sanze omoman LDS ti ranport en mazortite dan Lasanble Nasyonal e Prezidan Ramkalawan ti vin Lider Lopoziyon. Dan son kapasite koman Tyermenn Komite Finans Piblik dan Lasanble Nasyonal, Prezidan Ramkalawan ti demann en odit lo bann later ki gouvrenman dirize par SPPF/Lepep/US ti transfer lo zot parti politik dan bann lannen ki zot ti opouvwar. Finalman rapor in ganny publiye e son konteni i sokan.

Depi 1993 ziska lannen

**Table 5: Movement of V8798 and S4014**

Parcel	Initial transfer Government to SPPF in 1996 (SCR)	Land valuation Report in 2013	Actual Amount paid to SPPF in 2015
V8798	140,000	8,203,000	
S4014	70,000	6,619,000	
<b>Total</b>	<b>210,000</b>	<b>14,822,000</b>	<b>15,033,790.68</b>

Source: Transfer Documents, Financial documents at MoFTEP, Land valuation reports

pase, gouvrenman Parti Lepep/US in transfer 46 morso later lo non zot parti ki kouvertou distrik dan pei. En total 69 000 met kare later ti ganny transfer an tou. Sa ki pli grav se lefe ki odit pa'n kapab vwar levidans konkret ki peyman in ganny fer an relasyon avek sa bann transfer. Ti napa evaliasyon apropiye e sa bann transaksyon pa ti an akor avek polisi transfer later ki ti an

egzistans sa lepok. Sak fwa ki gouvrenman US ti bezwen konstri zot bann biro parti politik dan distrik, zot ti zis transfer later lo non zot parti e a sak fwa Parti Lepep/US pa ti pey okenn fre lanrezistrem. Lo plizyer sa bann popriyete gouvrenman US/Lepep in fer bann gro profi.

Presyon politik lopoziyon dirize par Prezidan Ramkalawan ti fors gouvrenman US/

Lepep retourn serten sa bann morso later avek leta. 18 morso in ganny retournen ziska prezan.

Kestyon ki reste i le swivan: 'eski nouvo Lider Lopoziyon pour azir lo sa rapor Oditer Zeneral e met okler labi son bann siperyer dan parti?'. Seselwa pou ziz li par son aksyon. Antretan Seselwa i devret mazin de fwa avan aste sa bann later malaki avek US.

## En sinny lespwar

**S**wivan desizyon gouvrenman dirize par Prezidan Ramkalawan pou ouver nou frontyer a parti le 25 Mars, tou lendikasyon pe montre ki lendistri touris pou kapab rebran malgre enpe dousman okomansman. Bann diferan lalinny aeryen pe demontre gran lenterere pou rekoman zot servis e sa i enkli 'Aeroflot' ki ti'n aret vin Sesel pou plizyer lannen.

Stratezi gouvren-



man pour vaksen popilasyon pe anmenn rezilta pozitif ensi ki en rediksyon konsiderab dan to lenfeksyon. I annan ase vaksen dan pei pour tou Seselwa ki oule e tou sitwayen i devret sezi sa loportinite pour pran zot vaksen e protez zot lekor e zot pros.

## LDS: en parti fonde lo prensip



Minis Hassan pe prezant bidze 2021 dan Lasanble National

**L**er LDS ti an mazortite dan 6-enm Lasanble Nasyonal, bokou nouvo fason fer ti ganny entrodwir dan travay Lasanble pou garanti latransparans, bon gouvrenans e rann kont. Parmi

sa bann nouvo fason fer ti lafason ki Lasanble ti depouy bidze nasyonal. A plizyer repriz, serten porsyon bidze ti ganny amande, koupe oubyen retarde akoz bann manm mazortite pa ti sat- (kontinyasyon lo paz 2)

# LDS: en parti fonde lo prensip



**Mosyon pou anvoy vot lo bidze pou Departman Risk ek Dezas ti ganny anmennen par Lider Gouvernman dan Lasanble Nasyonal, Onorab Georges**

isfe avek leksplikasyon ki ti ganny donner. LDS ti pe rod latransparans total dan deliberasyon deba lo bidze. Lo zot kote, gouvernman dirize par US a lepok ti konsidere ki LDS ti pe zis bloke pou fer zot louvraz difisil. Malgre sa, LDS ti insiste ki larzan leta ti devret byen ganny zere e zot rol sete pou garanti ki sa i arive. Sa lepok kot Lasanble ti aprouv bidze san en deba entansif ti'n fini.

Ozordi zour, LDS i an kontrol lekzekitiv e annan en mazorite absolü dan Lasanble Nasyonal. Zot dan en pozisyon pour pas bidze san gran deba me ki nou pe vwar? Malgre LDS i annan sa mazorite absolü, son bann manm dan Lasanble Nasyonal in vin pli agresiv dan depouyman bidze e zot insiste ki bann minis i eklersi zot bann dout afon.

Sa semenn, bidze Departman Risk ek Dezas pa ti ganny aprouve ziskan ler bann manm LDS dan Lasanble Nasyonal ti'n konvenk zot

lekor pou dir zot in konpran rezondet sa lenstitisyon. Zot ti bezwen retournen pour donn bann leksplikasyon neser e finalman zot bidze ti ganny aprouve.

Mosyon pou anvoy vot lo bidze ti ganny anmennen par Lider Gouvernman dan Lasanble Nasyonal. Sepoutan son rol se pou defann bidze gouvernman. Ki sa i montre nou ?

LDS i reste lo son prensip. Menm si zot an kontrol lekzekitiv e lezislativ, LDS i maintenir son prensip pour depouy travay gouvernman san pran kont zot lafors politik. Pour lademokrasi avanse, sa lapros i ekstrememan neser. LDS pe anvoy en mesaz kler: sa ki oule partisip dan politik i devret fer li dan en fason onnet e profesyonnel. LDS i en parti fonde lo prensip ki gid zot travay pour anmenn plis benefis pour tou Seselwa. US i bezwen obzerve e aprann olye pas zot letan zis konplent.

## Kisisa Seselwa vilnerab?

**LDS i anvi vwar tou Seselwa ki kapab vin produktif e finansyerman endepandan**

**P**our bokou lannen anba ladministrasyon en gouvernman US, in annan en mannev pour kit en sekter nou popilasyon totalman depandan lo gouvernman. Bokou Seselwa avek potansyel in tonm dan en pyez akoz zot in konsiderer zot vilnerab. Sa ti en plan byen kalkile pour garanti ki bokou nou bann frer avek ser i reste depandan lo zenerozite gouvernman. Zot in depan lo welfer e gouvernman i fer ki zot santi zot konfortab viv lo en alawens olye antre dan en lanplwa permanent e progresse dan lavi. Pour gouvernman US, pli ti an-nan dimoun vilnerab, pli i bon pour zot. Dousman, dousman gouvernman US in detri potansyel bokou zenn e zve en politik pas pour bon boug.

Largiman US se ki zot sa parti ki defann lentere bann ki vilnerab; en group ki zot in kree pour reste depandan e an rezilta garanti zot vot sak fwa eleksyon. An rezilta sa, bidze lasistans sosyal e partisipan lo program 'URS' (Unemployment Relief Scheme) in kontinyelman ogmante; sirtou dan lannen eleksyon. Zot stratezi sete met lafreyer an dizan ki en nouvo ladministrasyon

pa pour pran zentere bann ki vilnerab. Bokou bann ki US ti konsider vilnerab ti menm ganny menase pour perdi zot bann benefis si zot pa ti demontre sipor pour parti US. Erezman Seselwa ti'n fatige avek zot manboulouk e ti vote pou retir zot opouvwar.

Depi ki gouvernman LDS in vin opouvwar, Prezidan Ramkalawan pe fer tou pour garanti ki tou Seselwa ki annan potansyel i antre dan lanplwa e devlop zot abilite pour travay e kapab pran ka avek zot prop leklor. An dot mo, gouvernman dirize par LDS i oule garanti ki tou Seselwa ki kapab i vin finansyerman endepandan e produktif. An retour zot a fer en kontribisyon dan lekonomi nasyonal e pour zot prop nasyon plitar. Ladministrasyon LDS i oule ki tou Seselwa i viv dan dignite e pa depan lo faver sorti kot politisyen. LDS i oule ki tou sitwayen i santi zot fyer e ganny rekonpanse selon zot travay. Sa i a fer zot endepandan e zot pa pou kapab ganny manipile politikman.

Seselwa pe byen akei sa nouvo lapros. Antretan US i ankor pe zve sa vye politik 'Seselwa vilnerab'. In ler pour zot reveye dan zot sonmey. Seselwa pe bouze. Bouze zot osi sinon zot pou ganny kit deryer.

## Lider US in toke

**D**an son dernyen konferans-de-pres, Dokter Patrick Herminie avek son lekkip ki pe kriy ayoyo lo vizit ki Prezidan Ramkalawan ti fer Lemira Arab Ini. Dan pe rod lipou pou kritike, zot ti konplent lefe ki Prezidan ti'n al rod sipor bidzeter Lemira Arab Ini. Zot largiman sete ki siporter bidzeter i kapab konpromiz souverennite Sesel. Apre zot in fer en demi tour e dir ki demars pour ganny lasistans bidzeter ti'n ganny inisyè par ansyen prezidan Faure.

Soudennman Dokter Herminie in mont lo rezo sosyal e

pe demann gouvernman pour al fer demars sipor bidzeter pou ganny larzan pou siport bann Seselwa ki pe perdi lanplwa. Dan sa menm diskour, sa gro garson pe insiste ki Prezidan i aret vwayaze. Ki ou kapab konpran avek sa kalite diskour. Gro garson in vremen toke la. Konmdir kreol : 'Be pran ou en pozisyon dokter!'

